



PESERTA yang menyertai Jelajah Kayuh Kembara UMP ke Sungai Lembing.

60 penuntut UMP kayuh 60 kilometer

Kuantan: Seramai 60 penuntut Universiti Malaysia Pahang (UMP) berjaya mengharungi cabaran konvoi berbasikal sejauh 60 kilometer sempena program Jelajah Kayuh Kembara UMP ke Sungai Lembing, di sini, baru-baru ini.

Mereka yang terdiri daripada 53 penuntut lelaki dan tujuh perempuan itu memulakan jelajah dari Kompleks Sukan UMP, jam 8 pagi dan selamat tiba ke destinasi, empat jam kemudian.

Acara pelepasan peserta disempurnakan Timbalan Naib Canselor (Penyelidikan dan Inovasi) UMP Prof Datuk Dr Rosli Mohd Yunus yang turut mengetuai konvoi itu.

Dr Rosli berkata, aktiviti berbasikal yang dilihat semakin popular dan menda-

pat tempat di kalangan rakyat Malaysia termasuk dalam kalangan penuntut universiti berkenaan kerana mereka berpeluang melihat persekitaran menarik.

Menurutnya, aktiviti itu juga dapat meningkatkan tahap kesihatan menerusi gaya hidup sihat.

"Penuntut sendiri dapat menguji ketahanan mental, fizikal dan semangat setia kawan serta membentuk kerjasama antara warga UMP.

"Lebih menarik, peserta bukan saja mengayuh basikal dari UMP di Gambang hingga Sungai Lembing, tetapi turut berpeluang melawat terowong bijih timah yang pernah menjadi antara yang terbesar di dunia," katanya.

Menurutnya, pada masa sa-

ma jelajah itu dapat membudayakan konsep sukan rekreasi berbasikal melalui elemen sukan pelancongan (sports tourism) kepada semua peserta yang mengikutinya.

Sementara itu, Penolong Pegawai Belia dan Sukan merangkap pengarah program Nor Azazi Mamat bersyukur dengan sambutan penyertaan yang menggalakkan di kalangan penuntut dan warga kerja UMP.

"Bagi memastikan peserta layak membuat kayuhan dengan jarak jauh, kami mengadakan sesi pemilihan berdasarkan beberapa siri

Metro (Selanjutnya) Ahad, 30/1/17 m/2

ujian yang menyaksikan hanya 60 peserta yang menuhi kriteria ditetapkan.

"Program ini juga kunjungan kedua warga UMP ke Sungai Lembing, tetapi ke-

lainannya kali ini apabila peserta berpeluang menaiki tren lama untuk memasuki terowong bijih timah.

"Dengan program ini peserta dapat menambahkan pengetahuan mengenai bagaimana aktiviti perlombongan dilakukan pada zaman dulu dengan menggunakan lebih 100 bahan serta kaedah penggalian secara manual oleh pekerja lombong," katanya.

FAKTA
Kali kedua warga
UMP kunjungi
Sungai Lembing